



Skýrsla um samráð

Efni samráðs

Útfærsla nýrrar kerfiskennitölu skv. lögum nr. 140/2019 um skráningu einstaklinga.

Í lögum um skráningu einstaklinga, nr. 140/2019, er fjallað um kerfiskennitölu. Þar segir í 1. mgr. 11. gr. að erlendir ríkisborgarar geta, vegna sérstakra hagsmuna hér á landi, fengið útgefna kerfiskennitölu hjá Þjóðskrá Íslands. Skv. 3. mgr. 11. gr. laganna eru kerfiskennitölur haldnar í sérstakri skrá, kerfiskennitöluskrá. Þær skulu við miðlun skv. III. kafla laganna og aðra notkun aðgreindar með sýnilegum hætti frá kennitölum einstaklinga í Þjóðskrá (2. málsl. 3. mgr. 11. gr.).

Lagðar voru til þrjár útfærslur nýrrar aðgreinanlegrar kerfiskennitölu og voru þær settar í samráðsgátt stjórnvalda.

Útfærslurnar voru:

- I. Kerfiskennitala verði samsett úr bókstöfum og tölustöfum án vartöluprófs. T.d. 2 bókstafir í byrjun og 6-8 tölustafir. Kerfiskennitala við þessa útfærslu gæti t.d. verið AB12345678.
- II. Kerfiskennitala samanstandi af tíu tölustöfum, hefjist á 8 eða 9 og verði með vartöluprófi. Aðrar tölur í kerfiskennitölu en fyrsti tölustafur og sá níundi (vartala) verði tilviljanakenndar. Kerfiskennitala gæti t.d. verið 8123456728.
- III. Kerfiskennitala verði eins og íslensk kennitala á Þjóðskrá nema endi á 4, 5 eða 6. Fjöldi mögulegra kennitala við þessa útfærslu er takmarkaður þ.a. þessi leið felur í sér að þörf er á heildarendurskoðun allra kennitalna í Þjóðskrá, þ.m.t. kerfiskennitalna, innan fárra ára. Kerfiskennitala gæti t.d. verið 3112904444.

Samráð hófst

3. júlí 2020

Samráð lauk

4. ágúst 2020

Fjöldi umsagna

7

Umsagnaraðilar

Samband íslenskra sveitarfélaga
Embætti landlæknis
Tryggingastofnun
DK Hugbúnaður
Útlendingastofnun
Samtök atvinnulífsins
Arion banki

Þann 1. júlí 2020 var haldinn kynningarfundur til að kynna þær tillögur sem lagðar voru til í samráðsgáttinni.

Eftirtaldum aðilum var boðið á fundinn: Landsbankinn, Tryggingastofnun, Landspítalinn, fulltrúi frá sýslumannsembættum, Auðkenni, Samtök fjármálafyrirtækja, Ríkislögreglustjóri, Reiknistofa bankanna, Landlæknir, Íslandsbanki, Sjóvá, Samband íslenskra sveitarfélaga, Borgun, Vís, Ja.is, Íbúðalánasjóður, Útlendingastofnun, Advania, Tryggingamiðstöðin, Hagstofan, Fjármála- og efnahagsráðuneytið, Samgöngu- og sveitastjórnarráðuneytið, Ríkisskattstjóri, Borgun, Samtök atvinnulífsins, Valitor, Creditinfo, DK, Skatturinn, Arionbanki, Vörður, Landssamtök lífeyrissjóða, Vinnumálastofnun, Ferli, Tryggingastofnun og Origo.

Samantekt um umsagnir og viðbrögð

Samband íslenskra sveitarfélaga

Að mati Sambands íslenskra sveitarfélaga ætti að horfa til möguleika i eða ii. Sé um sambærilegan kostnað og tíma að ræða ætti útfærsla i að verða fyrir valinu þar sem hún býður upp á flesta kosti. Sé i hins vegar dýrari en ii þykir rétt að meta hvort réttlætanlegt sé að leggja út í þann kostnað fyrir þann ávinning sem i hefur umfram ii.

Embætti landlæknis

Að mati Embættis landlæknis er útfærsla i ákjósanlegust með útfærslu ii til vara. Þá er einnig bent á að skrá ákveðnar upplýsingar með nýrri kerfiskennitölu, s.s. rétt nafn, fæðingardag, ríkisfang og vegabréfsnúmer. Í umsögninni er einnig tekið fram mikilvægi þess að þí komi á miðlægu útgáfukerfi kerfiskennitalna þar sem kerfiskennitölur eru gefnar út samstundis en ekki sólarhring síðar líkt og nú er.

Tryggingastofnun

Að mati Tryggingastofnunnar er útfærsla i æskilegust. Í umsögninni er einnig tekið fram mikilvægi þess að þí komi á miðlægu útgáfukerfi kerfiskennitalna þar sem kerfiskennitölur eru gefnar út samstundis en ekki sólarhring síðar líkt og nú er. Þá er einnig talið æskilegt að kerfiskennitölur hafi gildistíma.

DK Hugbúnaður

Að mati DK Hugbúnaðar er útfærsla ii farsælust. Í umsögninni er einnig tekið fram mikilvægi þess að þí komi á miðlægu útgáfukerfi kerfiskennitalna þar sem kerfiskennitölur eru gefnar út samstundis en ekki sólarhring síðar líkt og nú er.

Útlendingastofnun

Að mati ÚTL er útfærsla iii ákjósanlegust. Í umsögninni er einnig tekið fram mikilvægi þess að þí komi á miðlægu útgáfukerfi kerfiskennitalna þar sem kerfiskennitölur eru gefnar út samstundis en ekki sólarhring síðar líkt og nú er.

Samtök atvinnulífsins

Samtök atvinnulífsins (SA) telja að af þeim þremur útfærslum sem Þjóðskrá Íslands hefur unnið að skuli velja útfærslu ii.

Arionbanki

Að mati Arion banka er útfærsla ii) ákjósanlegust en þess gætt að ytri aðilum verði veittur rúmur frestur til að innleiða nauðsynlegar kerfisbreytingar.

Sjö umsagnir bárust, sem tekið var tillit til að eins miklu leyti og kostur var. Nefnt var að kostur i og ii myndi henta best sem og að best væri að Þjóðskrá

Íslands myndi gefa út kerfiskennitölur samstundis (en ekki sólarhring síðar eins og nú).

Leið ii varð fyrir valinu að því breyttu að kerfiskennitalan verður ekki vartöluprófuð. Það er stefnan að hefja vinnu við sjálfvirka úthlutun kerfiskennitölu þegar verkefnið um aðgreinanlega kerfiskennitöu er lokið og þær komnar í gagnið.